

# मैया मोहि दाऊ बहुत खिझायौ

Maiya Mohi Dau Bahut Khijhayo • भजन • देवनागरी

मैया मोहि दाऊ बहुत खिझायौ।

मोसौं कहत मोल कौ लीन्हौ, तू जसुमति कब जायौ?

कहा करौं इहि रिस के मारैं खेलन हौं नहिं जात।

पुनि-पुनि कहत कौन है माता को है तेरौ तात॥

गोरे नंद जसोदा गोरी, तू कत स्यामल गात।

चुटुकी दै-दै ग्वाल नवावत, हँसत, सबै मुसुकात॥

तू मोही कौं मारन सीखी, दाउहि कबहुँ न खीझै।

मोहन-मुख रिस की ये बातैं, जसुमति सुनि-सुनि रीझै॥

सुनहु कान्ह, बलभद्र चबाई, जनमत ही कौ धूत।

सूर स्याम मोहि गोधन की सौं, हौं माता तू पूत॥

---

रचना / पाठ-परंपरा: सूरदास का पारंपरिक ब्रजभाषा पद।

पारंपरिक पाठ; वर्तनी और पाठांतर संभव हैं।